



Department of History
Ramsaday College
Amta, Howrah

Semester- II (HISH)

CC- 4

Prepared by- Rittik Biswas

History (Hons)

CC-4

Social Formations and Cultural patterns of the
Medieval World other than India

Group- C

Unit- VI

Judaism and Christianity under Islam

ক্রুসেডের ফলাফল ও প্রভাব

পশ্চিমে জীবনযাত্রা ও সমাজের উপর ধর্মযুদ্ধগুলির প্রভাব এত দীর্ঘস্থায়ী ও ব্যাপক ছিল যে , সেগুলিকে সভ্যতার ইতিহাসে নির্দেশক বলে গণ্য করা যায় । ঐতিহাসিক মেয়ারের ভাষায় বলা যায় – “ পশ্চিম ইউরোপে জীবন ধারণের ক্ষেত্রে ক্রুসেড সভ্যতার ইতিহাসে এক অসাধারণ দিক চিহ্ন হিসাবে প্রতিভাত হয়েছিল । ” হেনরি পিরেন বলেছেন যে ক্রুসেডের ফলে পশ্চিম ইউরোপীয়দের জন্য ভূমধ্যসাগরও উন্মুক্ত হয়েছিল ।

ক্রুসেডের ফলে মঠগুলির সম্পত্তির পরিমাণ অনেকাংশে বৃদ্ধি পেয়েছিল কারণ যুদ্ধে যোগদানকারীরা খুব কম দামে তাদের সম্পত্তি মঠগুলিকে বিক্রি করে দিয়েছিল । লর্ডরা সন্ন্যাসীদের আশীর্বাদ পাওয়ার জন্য তাদের অনেক সম্পত্তি দান করতেন । হাজার হাজার ধর্মযোদ্ধা যারা অসুস্থ অবস্থায় উৎসাহহীনভাবে ফিরে এসেছিল তারা মঠের কাছে আশ্রয় চেয়েছিলেন এবং নিজেদের সমস্ত জাগতিক বিষয় ইসলামের অধীনে ইহুদি ও খ্রিস্টান সম্প্রদায় সম্পত্তিকে মঠের উন্নতির জন্য দান করে ছিলেন । এইভাবেই মধ্যযুগীয় মঠগুলির সম্পত্তি পরিমাণ বৃদ্ধি পেয়েছিল ।

সামন্ততান্ত্রিক অভিজাতদের দুর্বল করে নিয়ে শক্তিশালী রাজতন্ত্র গঠনে ক্রুসেডের প্রভাব লক্ষ করা যায় । অভিজাতরা অভিযানে অংশগ্রহণ করে অনেকেই ফিরে আসেনি । তাদের সম্পত্তি উওরাধিকারের অভাবে বাজার হাতে চলে যায় । অনেকে আবার তাদের প্রতিশ্রুতি রাখতে গিয়ে । তাদের ভাগ্যকে নষ্ট করেছিল । এই

ভাবে অভিজাতরা সংখ্যায় অনেক কমে গিয়েছিল এবং সঙ্গে সঙ্গে কমে গিয়েছিল তাদের সামাজিক প্রভাব । অন্যদিকে ক্ষমতা ও পৃষ্ঠপোষকতা বৃদ্ধি পেয়েছিল রাজার ।

পশ্চিমের জাতিগুলির সামাজিক জীবনের উপর ক্রুসেডের প্রভাব বেশ লক্ষণীয় এবং বেশ গুরুত্বপূর্ণ ছিল । তারা নিশ্চিত ভাবে শহর , দেশের সাধারণ মানুষের শক্তিকে ত্বরান্বিত করেছিল । ক্রুসেডের সুযোগে ক্রীতদাসরা তাদের দাসত্বের বন্ধনকে ভেঙে ফেলেছিল । শহরের শ্রীবৃদ্ধি ও শিল্পের উন্নতির ফলে অনেকে অতি সহজে ম্যানর থেকে পালাতে সক্ষম হয়েছিল । ঐতিহাসিকদের বক্তব্য অনুযায়ী ক্রুসেড চলাকালীন মহিলাদের সামাজিক অবস্থানের লক্ষণীয় পরিবর্তন দেখা দিয়েছিল । কারণ , স্বামীদের অনুপস্থিতিতে মহিলাদের উপর পারিবারিক তত্ত্বাবধানের ভার বর্তে ছিল । গ্রিক এবং ধর্মযুদ্ধে যোগদানকারী মুসলমানদের মধ্যে স্বাধীন মেলামেশার ফলে পশ্চিমের জীবন যাত্রার মূল বৈশিষ্ট্যের পরিবর্তন লক্ষ করা গিয়েছিল ।

ধর্মযুদ্ধে যোগদানকারী যোদ্ধা এবং রাজপুত্রদের জীবনের বিনিময়ে মধ্যযুগীর শহরগুলি বহু রাজনৈতিক সুযোগ সুবিধা লাভ করেছিল । দ্বাদশ ও ত্রয়োদশ শতকে মানুষের হাতে নগদ অর্থের পস্থা থাকায় তারা সামন্তপ্রভুদের একচেটিয়া কেন্দ্রীভূত পুঁজির বদলে স্বতন্ত্রভাবে বিকশিত হওয়ার সুযোগ লাভ করে । এ ভাবে অভিজাতদের হাত থেকে ক্ষমতা ধনসম্পদ ক্রমশ হাতছাড়া হওয়ায় শহর ও নগরগুলির রাজনৈতিক গুরুত্ব ক্রমশ বেড়েই চলেছিল । ধর্মযুদ্ধগুলি ব্যবসা - বাণিজ্যে উৎসাহ দানের মাধ্যমে শহর ও নগরগুলির উন্নতিতে ত্বরান্বিত করে । ধর্মযুদ্ধ চলেছিল ধর্মযোদ্ধাদের চাহিদা পূরণের জন্য যার ফলশ্রুতিতে ব্যবসা কেন্দ্র হিসাবে ভেনিস , জেনোয়া এবং পিসা বিপুল সম্পদ ও খ্যাতি অর্জন করেছিল ।

ধর্মযুদ্ধগুলি বিখ্যাত ভ্রমণকারীদের এশিয়ার নির্জন দেশগুলিতে পাড়ি দিতে উৎসাহিত করেছিল । ক্রুসেডের পরোক্ষ ফলাফল ছিল কলম্বাস ও ভাস্কো - ডা - গামার সফল সমুদ্র যাত্রা । জনগণকে ভ্রমণের প্রতি উৎসাহিত করে ক্রুসেডগুলি সংকীর্ণ আঞ্চলিকতাবাদের দেওয়াল ভেঙে দিয়েছিল এবং আন্তর্জাতিক নির্ভরশীলতার ক্ষেত্রও উৎসারিত করেছিল ।

ক্রুসেড অংশগ্রহণকারী ধর্মযোদ্ধাদের মন থেকে সংকীর্ণতা চিরতরে দূরীভূত হয়েছিল । ক্রুসেডের আগে ইউরোপের খ্রিস্টানরা মুসলমানদেরকে ভীষণভাবে ঘৃণা করত । কিন্তু ক্রুসেডের শেষ পর্যায়ে এই ঘৃণার পরিমাণ অনেকটাই বিলুপ্ত হয়েছিল । কুসংস্কার ও প্রচলিত প্রথাগুলি এই সকল মানুষকে পরস্পরের কাছে আসতে বাধা দিতে পারেনি । ক্রুসেড ও সামুদ্রিক অভিযানগুলি ইউরোপীয়দের মিথ্যা ধারণাগুলিকে অনেকখানি সমাধান করেছিল । উদারনীতিবাদ পশ্চিমের সংকীর্ণ আঞ্চলিক অসহনশীল ধ্যানধারণার স্থান দখল করেছিল ।

সাহিত্য রচনার বিভিন্ন উপাদান যেমন বিভিন্ন প্রচলিত প্রথা ধ্যান , ধারণা , বীরের কার্যকলাপ যেগুলি প্রাচ্যদেশ থেকে নিয়ে আসা হয়েছিল , যা সমৃদ্ধ করেছিল পশ্চিমি সাহিত্য -সাধনার চর্চাকে । শেক্সপিয়ার ষোড়শ শতকে ভ্রমণকারীদের দ্বারা বিশেষভাবে প্রভাবিত হন , যারা প্রাচ্য দেশ থেকে বিভিন্ন প্রকারের সাহিত্য রচনার উপাদান নিয়ে এসেছিলেন । পশ্চিমি সাহিত্যের উপর ক্রুসেডের প্রভাব বেশিমাাত্রায় পরিলক্ষিত হয়েছিল ।

ক্রুসেডগুলি সামরিক বিজ্ঞানের উপর যথেষ্ট প্রভাব বিস্তার লাভ করেছিল । বিশাল আকৃতির দুর্গ ও প্রাসাদের ধরন , অবরোধ করার পদ্ধতি প্রভৃতি ধর্মযোদ্ধারা

পূর্ব দিকের দেশ থেকে পশ্চিমে নিয়ে এসেছিলেন। স্থাপত্য শিল্পের উপরও ধর্মযুদ্ধে প্রভাব পরিলক্ষিত হয়। পবিত্র সমাধিগুলির নির্মাণ কৌশলকে পশ্চিম জনগণ অনুকরণ করতে শুরু করেছিল। জেরুজালেমের পবিত্র সমাধির অনুকরণে লন্ডনের The Great Temple Church নির্মাণ করা হয়েছিল।

ক্রুসেড ছিল ধ্বংস ও অবলুপ্তির মূর্ত প্রতীক। ক্রুসেডের ফলে পশ্চিম এশিয়ার বহু এলাকা ও নগর ধ্বংসপ্রাপ্ত হয়। মরুভূমিতে পরিণত হয় শস্য শ্যামলা উৎপাদন ক্ষেত্র। বহু বিত্তশালী পরিবার সর্বস্ব হারিয়ে একেবারে নিঃস্ব হয়ে যায়। অন্যদিকে খ্রিস্টানরা বিপুল ধনসম্পদ ও লক্ষ প্রাণের বিনিময়েও মুসলমানদের কাছ থেকে পবিত্র ভূমি জেরুজালেম উদ্ধার করতে পারেনি। তাই বলা যায়, ধ্বংস আর রক্তক্ষয় ছিল ক্রুসেডের বিষময় ফল।

ধর্মযাজকদের উগ্র প্ররোচনার ফলে বিভিন্ন শ্রেণির মানুষ ক্রুসেডে যোগদান করেছিল। এই ক্রুসেড উপলক্ষ্যে রাজা, সামন্তপ্রভু ও যাজকরা সাধারণ জনগণের কাছ থেকে জোর করে অর্থ আদায় করতে থাকে। ফলে সাধারণ জনগণ এই ধর্মযুদ্ধকে মানবতা বিরোধী বলে বিবেচনা করে। ক্রুসেডে ভয়াবহ ধ্বংস ও রক্তক্ষয়ের ফলে ইউরোপে চার্চ ও পোপবিরোধী মনোভাব গড়ে ওঠে। এভাবে মানুষের মনে পোপের উজ্জ্বল অবস্থান ম্লান হয়ে যায় এবং যাজকদের ক্ষমতা ও প্রতিপত্তি বহুলাংশে হ্রাস পায়।

প্রাচ্য ও পাশ্চাত্যের মধ্যে সম্পর্ক স্থাপন ও ভাবের আদান প্রদান ক্রুসেডের একটি গুরুত্বপূর্ণ ফল ছিল। দীর্ঘ দুইশত বছর ধরে মুসলমান ও খ্রিস্টানদের মধ্যে এই ভাবের আদান প্রদানের ফলে প্রাচ্য ও পাশ্চাত্যের মধ্যে গভীর সম্পর্ক স্থাপিত হয়

। এর ফলশ্রুতিতে ইউরোপের নাগরিকদের মধ্যে । ভৌগোলিক জ্ঞানের পরিধি ও প্রাচ্যের সমরবিদ্যা সম্পর্কিত জ্ঞানের পরিধি বৃদ্ধি পায় । ক্রুসেডের পরবর্তীতে প্রাচ্যের বিভিন্ন ফল ইউরোপের বিভিন্ন অংশে উৎপাদিত হতে শুরু করে ।

ধর্মযুদ্ধের ফলে ইউরোপে ব্যবসা - বাণিজ্য ও শিল্পের প্রভূত উন্নতি সাধিত হয়েছিল । কারণ এই যুদ্ধের ফলে ভূমধ্যসাগরে ইউরোপীয়দের আধিপত্য প্রতিষ্ঠিত হয় । ক্রুসেড চলাকালীন প্রাচ্য ও পাশ্চাত্যের মধ্যে বাণিজ্যিক সম্পর্কের যে অবনতি ঘটেছিল তা পরবর্তীতে গতিশীল হয়ে ওঠে । এই বাণিজ্যের ফলশ্রুতিতে ইউরোপে বিভিন্ন ধরনের শিল্পের বিকাশ ঘটে । প্রাচ্য দেশের কাঁচামাল ও খনিজদ্রব্যের সাহায্যে ইউরোপে শিল্পের চরম উৎকর্ষ সাধিত হয় । এইভাবে শুধুমাত্র ধর্মীয় ক্ষেত্রে উৎসাহ দানের জন্য ক্রুসেডগুলি ইতিহাসে এত গুরুত্বপূর্ণ নয় । এগুলি একটি নতুন দিগন্ত দেখা দেয়। ঐতিহাসিক মেয়ার বলেছেন যে - “ পশ্চিম ইউরোপে জনগণের জীবন যাত্রার উপর ধর্মযুদ্ধগুলি পরোক্ষভাবে এমন প্রভাব বিস্তার করেছিল যে , তারা সভ্যতার ইতিহাসে মহান নির্দেশক ছিল । ”

তথ্য সহায়তা

Wikipedia.org

বিশ্ব সভ্যতার মধ্যযুগ : সামাজিক সংগঠন ও সাংস্কৃতিক বিন্যাস- আসিফ জামাল
লস্কর